

# اسلام مجموعہ سی

شعاری: «دینی بر عبادت، عبادتی بر دین» در

پیل ۲ صائی ۴۰ ۲۵ محرم ۱۳۳۴  
۱۹ تشرین ثانی ۱۳۳۱ مدیری: حلیم ثابت

جلد: ۴

قرآنہ کریم  
سورۃ آل عمرانک ابتدائندن ۵۹ نجی آیتہ قدر مفهوم شرقی  
حاشیہ لی مفهوم قرآنندن مرحوم متاسخلی رفعت

اہم موضوع  
دین و اخلاق (عبادات اسلامیہ و اخلاق) . . . . . بسم آتلائی

ذہنی عبادت  
بشر حاق . . . . . محمد بسم

تاریخ  
ابن عیہ (ابن عیہ تک چکدیکی رحمت و مشقتی ۳۸ نجی صایدن مابعد) رضا الدین فخر الدین

ترجمہ مال  
ابو اسحق ابراہیم ابن ادہم . . . . . محمود

نسخہ سی ۶۰ پارہ در

توزیع یری «زمان کتب خانہ سیدر»

نجم استقبال مطبعہ سی

« رب السجن احب الی مما ید عوتی الیہ » دیرک زندانی ترجیح ایلدی .  
 وطوغرو زندانه کیتدی ....  
 بتون بو وقعلرک محرکی یوقاریده اسی مذکور نصرانیجی نامندکی  
 شیخ ایلدی .

رضا المیرہ بہ فخر الدبیرہ

ترجمہ حال

ابو اسحق ابراہیم بن ادھم

جذبہ الہیہ ایلہ سلطنت و دنیاوی سعادت ابدیہ اخرویہ بہ فدا ایدوب فقر  
 وقتانی اختیار ایلہ عالی درجہ لرہ واصل اولانلرک یشواسیدر .  
 اپنای ملو کدن اولوب پدرینک تحکاهی اولان بلدخدہ علوم عقلیہ و نقلیہ بی  
 تحصیلہ جالیشمقدہ ایکن برکون شہزادہ لر عادی اوزرہ مزین آت و تازیلرلہ  
 آوہ حقیقش ایلدی . بو ائنادہ قولاغنه هاتف غییدن « بویاہ لہو و لغب ایچون  
 خلق اولونمک » سوزی ایشیدیلیرمش کی اولدی ...  
 همان اورادہ تصادف ایندیکی برچویانک یرتیق انیسسیلہ کسوة ملوکانہ بی  
 استبدال و آت و سائر اشیاسی چوانہ یراقہرق عشق الہی ایلہ بیت الحرام سمته  
 کیتدی . درویشانہ بریجہ مدت سیروسیاحت و برچوق مقامات مبارکہ بی زیارت  
 ایدوب مکہ بہ وصولندہ سفیان ثوری، فضیل بن عیاض، ابو یوسف غسولی کی  
 اعاضمک محبت یر برکتلریلہ مسک تصوفہ داخل و تکمیل اداہ طریقتلہ مقام  
 ولایتہ واصل اولدی . مکدہ مقیم اکابر علما و برای حج کلن نیجہ مشایخ عظام ایلہ  
 مصاحب اولہرق بر زمان مجاورت بیت سعادتدن صوکرہ شامہ عزیمت و اورادہ  
 اختیار اقامت ایلدی .

مہربانانہ زہد و تقویٰ امر و طلب رزق حلال ایچون سعی توصیه ایدر ،  
و نمونہ امتثال اولہرق - اولاد ملو کدن بولونمسنہ رغماً - اوراق بیچمک ؛  
بوستان و باغچہ بکلمک و امثالی ایشلردن حاصل ایتدیکی قازانچیلہ تعیش ایلردی .  
اهل طریق ایچون و اهل دین ایچون صدقہ لرلہ ، ایلقلرلہ تعیشدن کندی سعی  
عملیلہ کچنمک اولی اولدیقتی کوسترمشدر .

فی الحقیقہ زہد و تقویٰ اربابی ایچون تجارت ، صناعت و زراعتلہ  
تعیش ایدوب ( اوساخ ناسدن باشقہ بر شی اولہ یان ) صدقاتدن تورع مادی  
و معنوی باعث شرف و سعادتدر . مشارالہ حضرتلرنندن پک چوق اقوال  
صوفیانہ منقول اولوب بورادہ ذکرندن صرف نظرلہ آرزو بیوران ذواتک  
طبقات شعرانی بہ و رسالہ قشیریہ بہ مراجعتلرنی توصیه ایدرم .

پدرینک یاندمہ ترک ایتیش اولدیننی مخدومی اسحق بیوک پدرینک و فائدمہ  
وارث حکومتی اولمشدی . اسحق یتیم کبی بیومش اولدیغندن پدرنی کورمک  
اشتیاقیلہ مکہ بہ کتدی . ابراہیم طفل ایکن آیرلیننی اوغلنی طوافدہ کوزوب  
درویشانہ شو کنج نیم اوغلم اولوق کر کدر ؛ چونکہ یوزنی کورنجہ پک  
زیادہ محبت ایتدم ؛ دیر . اسحق پدرینہ ملاقات ایتدیکندمہ ملک موروثہ  
عودتی تکلیف ایدرسدہ حضرت اعتدار و اوغله خیر دعادن سوکرہ مبارک  
الہرنی سایہ قالدیروب یارب العالمین بوچوجغه اولان محبتی بسدن آل ، تاکہ  
سکا اولان محبتدہ شریک اولیہ ، بیورمشدر .

مشارالہ حضرتلرنینک مسلك تعلیمی علم النفس ایدی . اکثر اقوال  
شریفہ لریدہ معرفت نفس مباحثہ عالیددر . تاریخ و فاتی ۱۶۲ یاخود ۱۶۶  
اولوق اوزره مختلف فہدر . قیر پاککی لاذقیہدہ جیلہ ادهمی نام محلہدہ در .

محمود